

**Татарстан Республикаса Веськөдлан котыр да  
Коми Республикаса Веськөдлан котыр костын  
торгово-экономическөй, научно-техническөй да  
социально-культурнөй юкөннн ёртасьом йылысь  
АРТМӨДЧӨМ**

Татарстан Республикаса Веськөдлан котыр, кодос петкөдлө Татарстан Республикаса Президент Рустам Нургалиевич Минниханов, кодидуджалө Татарстан Республикаса Оланподув подув вылын, өтиладорсянь, да Коми Республикаса Веськөдлан котыр, кодос петкөдлө Коми Республикаса Юралысь Владимир Викторович Уйба, кодидуджалө Коми Республикаса Оланподув, «Коми Республикаса Юралысь, Коми Республикаса Веськөдлан котыр да Коми Республикаса олөмө пөртысь власьт системаын органьяс йылысь» 2013 во ошым төлысь 26 лунся 140-РЗ №-а Коми Республикаса Оланпас да Коми Республикаса Веськөдлан котырлөн 2021 во \_\_\_\_\_ төлысь \_\_\_\_ лунся \_\_\_\_ -р №-а тшөктөд подув вылын, мөдладорсянь, кодьясөс водзө шуөма «Сёрнитчысьяс»,

Россия Федерацияса оланпастэчас, Татарстан Республикаса оланпастэчас да Коми Республикаса оланпастэчас (водзө – оланпастэчас) вылө мыджсьөмөн,

сы могысь, медым сөвмөдны өта-мөдлы выгөда принцип подув вылын динмукоствас йитөдьяссө,

сйөс гөгөрвоөмөн, мый өта-мөдлы выгөдаа ёртасьөмсө паськөдөмыс лөсялө Татарстан Республикаса да Коми Республикаса олысьяслөн интересьяслы да отсалө экономика боксянь сөвмөдны Татарстан Республикаос да Коми Республикаос,

зумид да дыр кадколаст чөж кыкнанладорса йитөдьяс сөвмөдны коланлунсө төд вылө босьтөмөн да та вылө лөсялана котыртан, экономическөй, инөда да мукөд колана условие лөсьөдны көсйөмөн кырымалисны тайө Артмөдчөмсө со мый йылысь.

## **1 статья**

Тайө Артмөдчөмсө веськөдөма Сёрнитчысьяс костын торгово-экономическөй, научно-техническөй да социально-культурнөй сфераясын ёртасьөмсө лөсьөдөм вылө да сйө урчитө Сёрнитчысьясслысь индөм сфераясын ёртассян нырвизьяссө.

## **2 статья**

Сёрнитчысьяс кутчысьөны вөчөмторьясысь, кутшөмьяс вермасны вөчны экономическөй либө мукөд сикас лөктор өта-мөдыслы, сөгласуйтөны примитны көсян помшуөмьяссө, кутшөмьясөс примитөмыс вермас лоны йитчөма Сёрнитчысьясслөн инөдьяскөд да оланпас серти интересьяскөд, да юксьөны татшөм помшуөмьяс йылысь юөрөн.

### 3 статья

Торгово-экономическӧй, промышленнӧй, инвестиционнӧй да инновационнӧй ёртасян юкӧнын Сёрнитчысьяс оланпастэчас серти асланыс компетенцияын:

дасьтӧны ӧтувья проектяс, кутшӧмьясӧс веськӧдӧма Татарстан Республикалысь да Коми Республикалысь экономическӧй да инновационнӧй позянлуньясӧ сӧвмӧдӧм вылӧ, вежласьӧны специалистьясӧн юкӧнъясын, кутшӧмьяс серти кыкнанладорыслӧн эмӧсь интересьяс;

отсалӧны лӧсьӧдны условияс сы вылӧ, медым артмӧдны да паськӧдны Татарстан Республикалӧн да Коми Республикалӧн овмӧс нуӧдысь субъектъяс костын делӧвӧй контактьясӧ, отсалӧны дасьтыны Татарстан Республикаын да Коми Республикаын предпринимательство сӧвмӧдӧм да налы отсалӧм серти уджтасьяс да пӧртны найӧс олӧмӧ;

ӧтув уджалӧны инвестиционнӧй да инновационнӧй удж сфераын, сы лыдын дасьтӧны да пӧртӧны олӧмӧ инвестицияс боксянь водзмӧстчыны ышӧдан мераясӧ сы могысь, медым кыпӧдны конкурентоспособностьсӧ да бурмӧдны Татарстан Республикалысь да Коми Республикалысь экономикасӧ;

котыртӧны инвестиционнӧй площадкаяс да инвестиционнӧй позянлуньяс петкӧдлан бизнес-миссияс да презентацияс; юӧртӧны ӧтамӧдлы Татарстан Республикаын да Коми Республикаын инвестиционнӧй форумьяс, конференцияс да инвестиционнӧй нырвизя мукӧд мероприятие нуӧдӧм йылысь;

инвестиционнӧй проектяс олӧмӧ пӧртан медбур формаяс индӧмӧн сӧвмӧдӧны юӧр чукӧртӧм-донъялӧмсӧ могмӧдан система;

сӧвмӧдӧны канму-аспом уджъёртасян ногьяс;

юксьӧны инвестиционнӧй удж сӧвмӧдан сфераясын проектяс да уджтасьяс олӧмӧ пӧртӧм серти юӧрӧн да медбур практикаясӧн;

ӧтвылысь видлалӧны юалӧм сы йылысь, колӧ-ӧ экспорт вылӧ уджалысь Коми Республикаса предприятияслы восьтыны Татарстан Республикаын ӧптӧвӧя юклан шӧриньяс;

отсалӧны сӧвмӧдны Татарстан Республика да Коми Республика костын транспорт йитӧдьясӧ;

сӧвмӧдӧны канму да муниципальнӧй могьяс вылӧ вузӧс, уджьяс, услугаяс серти закупкаяс сфераын ёртасьӧмсӧ, отсалӧны сӧвмӧдны тайӧ закупкаяс сфераын ӧтувья юӧртан системасӧ;

юксьӧны Татарстан Республикаын да Коми Республикаын Россия Федерацияса субъектъясын конкуренция сӧвмӧдан стандартлысь корӧмьяс олӧмӧ пӧртан юкӧнын опытӧн, мый вынсьӧдӧма Россия Федерацияса Веськӧдлан котырлӧн 2019 во косму тӧлысь 17 лунся 768-р №-а тшӧктӧмӧн.

#### 4 статья

Видз-му овмӧс юкӧнын Сӕрнитчысыас асланыс компетенцияын да оланпастӕчас серти отсалӧны вузӧс вузалан-нӧббан сфераын агропромышленнӧй комплекса организациясылы татшӧм нырвизыас серти колана котыртан условияс лӧсьӧдӧмӧн:

сю да видз-му овмӧс мукӧд культура быдтӕгӧн быдмӧг вӧдитӧм, селекция, кӧйдыс быдтӧм, ӧта-мӧдлӧн передӧвӧй технологиясӧн, быдмӧг генофондӧн, экология боксянь сӧстӧм методъясӧн да быдмӧгъяс дорьян средствоясӧн вӧдитчӧм;

ӧнӧя технологияс отсӧгӧн скӧт видзӧм, видз-му овмӧсса бур пода пемӧсыасӧс рӧдмӧдӧм, видзӧм да вердӧм; механизируйтӧм фермаясӧс техника боксянь выльмӧдны отсалӧм;

биотехнология, видз-му овмӧс культура производвоӧн да пемӧсыасӧс рӧдмӧдӧмӧн биотехнологическӧя веськӧдлӧм; переработайтан, сӕян-юан вӧчан промышленносът, производственнӧй процессӧ механизируйтан да автоматизируйтан средствоясӧн комплекснӧя вӧдитчӧм.

#### 5 статья

Йӧзлысь дзоньвидзалун видзан да биофармацевтика юкӧнын Сӕрнитчысыас оланпастӕчас серти асланыс компетенцияын:

юксьӧны йӧзлысь дзоньвидзалун видзан система котыртан, Татарстан Республикаса да Коми Республикаса олысыаслы медицина отсӧг сетан юкӧнын опытӧн;

отсалӧны вежласьны Татарстан Республикалӧн да Коми Республикалӧн медицина организациясса специалистъясӧн;

ӧтув уджалӧны биофармацевтика кластеръяс лӧсьӧдан да сӧвмӧдан сфераын.

#### 6 статья

Олысыасӧс социальнӧя дорьян да уджӧн могмӧдан юкӧнын Сӕрнитчысыас оланпастӕчас серти асланыс компетенцияын:

сӧвмӧдӧны олысыасӧс уджӧн могмӧдан, олысыаслы социальнӧя отсалан да найӧс социальнӧя могмӧдан юкӧнын ӕртасьӧмсӧ, сы лыдын тайӧ юкӧнъясын инӧда актъяс дасътӧм да олӧмӧ пӧртӧм серти, ӧтув пӧртӧны олӧмӧ социальнӧй да экономика боксянь сӧвмӧдан уджтасъяс, семьялы, мамлунлы, челядьдырлы, олӧма гражданылы да вермытӧмъясылы отсалан социальнӧй уджтасъяс да юксьӧны на серти опытӧн;

вежласьӧны олысыасӧс социальнӧя дорйӧмӧн веськӧдлан органъясса, олысыасӧс уджӧн могмӧдан службаса да олысыасӧс социальнӧя могмӧдан учреждениеясса специалистъяслӧн делегациясӧн, медым туявны выль социальнӧй технологияс пыртан юкӧнын уджалан опытсӧ;

юксьöны уджтöмалöм йылысь серпас да удж рынок вылын положение серти юöр чукöртан-донъялан материалъясöн.

## 7 статья

Гөгöртас видзан да экология боксянь видзчысянлунсö, канму ветеринарнöй дözьöрсö да пемöсьяслысь бура олöмсö могмöдан юкöнын Сёрнитчысьяс оланпастэчас серти асланыс компетенцияын:

юксьöны гөгöртас видзöм да экология боксянь видзчысянлунсö могмöдöм серти Татарстан Республикаын да Коми Республикаын нуöдан мероприятиеяс йылысь юöрөн;

юксьöны производство да потребление шыбласьясöн вöдитчан; шыбласьяс сикасалан, переработайтан да бырöдан выль технологияяс пыртан; вөр-ва видзан структураясöн веськöдлöмсö бурмöдан юалöмьяс серти опытөн;

могмöдöны торйөн ёна видзан вөр-ва мутасьяс котыртан, видзан да наён вöдитчан, Гöрд небөгьяс нуöдан, пемöсьясöс видзан да наён вöдитчан юкöнын ёртасьöмсö;

юксьöны кыйсян да кыйсян-вöралан озырлун видзан юкöнын мероприятиеяс олöмö пöртöм серти юöрөн да уджалан опытөн;

юксьöны биологическöй шыбласьяс бырöдан инъяссö лöсьöдан да видзан юкöнын юöрөн.

## 8 статья

Культура юкöнын Сёрнитчысьяс оланпастэчас серти аслас компетенцияын:

юксьöны Татарстан Республикаын да Коми Республикаын нуöдан культура лöмторьяс да мероприятиеяс йылысь юöрөн, сы лыдын войтыркостса тшупöда, кытчö вермасны пырöдчыны Татарстан Республикаысь да Коми Республикаысь котырьяс да исполнительяс;

отсалöны бурмöдны да сöвмöдны культураын йитöдьяссö;

öтув котыртöны да нуöдöны творческöй котырьяслысь гастрольяссö, ёрта-ёрт дорас петкöдлöны музейнöй, художественнöй выставкаяс.

## 9 статья

Культура озырлун объектьяс видзан, наён вöдитчан да паськыда тöдмöдан юкöнын:

котыртöны да нуöдöны öтувья семинарьяс наука уджалысьясöс корöмөн, сы лыдын онлайн форматын;

юксьöны культура озырлун объектьяс учёт вылö босьтан, найöс видзан да туялан, на бöрся канмусянь видзöдан да найöс дözьöритан сфераын опытөн, сы лыдын онлайн форматын.

## 10 статья

Вузос (уджъяс, услугаяс) вылө донъяс (тарифъяс, надбавкаяс, наценкаяс да мукөдтор) канмусянь ладмөдан юкөнын:

ёртасьоны да юксьоны уджалан опытөн, сы лыдын донъяс (тарифъяс) канмусянь ладмөдан юкөнын оланпастэчаслөн корөмьясө кутчысьом бөрся контроль да дөзьөр нуөдан уджын;

ёртасьоны да юксьоны уджалан опытөн сы серти, кызди котыртны тарифъяс ладмөдысь оранлысь меставывса асвеськөдлан органьяскөд коммунальнөй услугаысысь гражданаөн мынтан дон вежан медпозяна (медыджыд) индексъяс вынсьөдөм да наө кутчысьомсө мониторингом серти отувья уджсө.

## 11 статья

Архив удж юкөнын Сёрнитчысыяс оланпастэчас серти аслас компетенцияын:

юксьоны нормативнөй да методика боксянь разработкаяс, юөртан технологияяс йылысь опытөн да юөрөн;

пырөдчөны научно-практическөй конференцияяс, семинаръяс, совещаниеяс, архив документъяс серти выставкаяс котыртөмө да нуөдөмө, Россия Федерацияса архив фондлөн документъяс серти публикацияяс дасьтөмө;

сетөны позянлун өта-мөдныслы вөдитчыны архив документъясөн да научно-справочнөй материалъясөн, кутшөмьяс колөны гражданылысь социальнөй инөда запрөсыяс туялөм да мөгмөдөм вылө.

## 12 статья

Велөдан да наука юкөнын Сёрнитчысыяс оланпастэчас серти аслас компетенцияын:

нуөдөны отувья конференцияяс;

пөртөны олөмө наука туялан отувья проектъяс;

юксьоны өнiя велөдан технологияяс, инөда акт балаяс дасьтан опытөн, кутшөмьяс ладмөдөны велөдан организацияслысь уджсө.

## 13 статья

Юөртан да связь юкөнын Сёрнитчысыяс оланпастэчас серти аслас компетенцияын:

уджтасъяс да проектъяс олөмө пөртөмөн сөвмөдөны юөртан технологияяс юкөнын өта-мөдлы выгөдаа ёртасьомсө;

өтув уджалоны Татарстан Республикалөн да Коми Республикалөн цифра боксянь вежсьом серти, сы лыдын технологическөя ёртасьомён, велөдөмөн, опытөн юксьомён.

#### **14 статья**

Спорт да том йөз политика юкёнын Сёрнитчысьяс оланпастэчас серти аслас компетенцияын:

отсалоны Татарстан Республикаса да Коми Республикаса спортсменьяслы да спортивной сборной командаяслы пырөдчыны спорт да уна йөза спорт мероприятияясө, кутшөмьясөс нуөдоны Татарстан Республикаын да Коми Республикаын;

отсалоны том йөзлы пырөдчыны том йөзлөн динмукустса мероприятияясө, кутшөмьясөс пөртөны олөмө Татарстан Республикаын да Коми Республикаын.

#### **15 статья**

Туризм юкёнын Сёрнитчысьяс оланпастэчас серти аслас компетенцияын:

юксьоны Татарстан Республикаын да Коми Республикаын лоана мероприятияяс йылысь юөрөн;

отсалоны лөсьөдны туристскөй организацияс костын, кодьяс уджалоны Татарстан Республикаын да Коми Республикаын, кыкнанладорса йитөдьяс.

#### **16 статья**

Стрөитчан, архитектура, оланін да коммунальнөй овмөс юкёнын Сёрнитчысьяс оланпастэчас серти аслас компетенцияын:

юксьоны стрөитчөмсө котыртан, кар стрөитан политика юкёнын, оланін да коммунальнөй овмөс сфераын опытөн;

вежласьоны канму власьт органьяслөн делегациясөн, кодьяс збыльмөдоны стрөитчан, архитектура, оланін да коммунальнөй овмөс юкёнын уджмогьясө;

пырөдчөны стрөитчан, кар стрөитан да архитектура тематика серти войтыркостса, республиканскөй да обласьтса выставкаясө, семинарьясө да конференциясө.

#### **17 статья**

Сы могьсь, медым кыпөдны меставывса асвеськөдлан органьяслысь уджын окталунсө да бөртаслунсө, Сёрнитчысьяс оланпастэчас серти аслас компетенцияын отсалоны сөвмөдны

муниципалитеткостса ёртасьомсö да юксьöны меставывса асвеськöдлöмсö котыртан да збыльмöдан сфераын опытöн.

## **18 статья**

Канму национальнöй политика олöмö пöртан сфераын Сёрнитчысьяс оланпастэчас серти аслас компетенцияын:

Татарстан Республикаын да Коми Республикаын олысь войтырлы отсалöны тöдмасьны öта-мöдныслöн культуранас да озырмöдны сийöс;

лöсьöдöны колана условиеяс, медым могмöдны Татарстан Республикаын да Коми Республикаын олысь войтырлысь национальнöй да культурнöй интересьяссö;

öтувья удж серти пырöдчöны национальнöй да культурнöй öтувьяскöд öтувья проектьяс дасьтöмö да олöмö пöртöмö;

визитьяс котыртигöн видлалöны национальнöй да культурнöй öтувьясöн юрнуöдысьясöс делегациясö пырысьяс лыдö пыртöм йылысь вöзийöмьяссö.

## **19 статья**

Тайö Артмöдчöмыс оз йитчы Сёрнитчысьяслöн мукöд сёрнитчыськöд наöн кырымалöм артмöдчöмьяс (сёрнитчöмьяс) серти кöсйысьöмьяскöд, оз кут найöс збыльмöдöмьяс. Сёрнитчысьяс юксьöны тайö Сёрнитчöмсö олöмö пöртöм могысь колана юөрöн, водзвыв юөртöны ёрта-ёртныслы Татарстан Республикалöн оланпастэчасын да Коми Республикалöн оланпастэчасын вежсьöмьяс йылысь, кутшöмьяс вермöны тöдчыны тайö Артмöдчöмсö збыльмöдöм вылö.

Тайö Артмöдчöм серти сийöс кырымалысь Сёрнитчысьяслöн оз лоны финансöвöй да (либö) эмбур кöсйысьöмьяс.

Тайö Артмöдчöмлысь положениеяссö оз вермыны видлавны сы боксянь, мый найö лöсьöдöны бур условиеяс овмöс нуöдан торья субъектъяслы удж нуöдöм вылö, мый вöсна вермас лоны дзескöдöма конкуренциясö либö увтыртöма овмöс нуöдан мукöд субъектлысь интересьяссö.

Тайö Артмöдчöмыс лоö урчитöм ёртасян сфераясын артмöдчöмьяс да сёрнигижöдьяс (мероприятиеяслысь планьяс) Сёрнитчысьясöн кырымалан подулöн.

## **20 статья**

Сэк, кор сёрнитчысьяс костын артмöны тайö Артмöдчöмсö олöмö пöртöм серти вензьöмьяс, Сёрнитчысьяс разьöны найöс сёрнитöмöн.

## **21 статья**

Тайö Артмöдчöмыс вынсялö Сёрнитчысьясөн сійöс кырымалан лунсянь да кырымавсьö вит вося кадколаст вылö, мый кольöм бöрын сылысь вынсö быд вит во нюжöдöны сійö кадöдзис, кытчöдз сёрнитчысьяс пиысь öтиыс öнiя вит вося кадколаст кольтöдз куим тöлысьысь оз сёрджык гижöмөн оз юöрт мöд сёрнитчысьлы сы йылысь, мый сійö көсийö дугöдны тайö Артмöдчöмлысь вынсö.

Сёрнитчысьясөн öти кывйö воём бöрын тайö Артмöдчöмлысь вынсö поэö дугöдны кадысь водз.

Тайö Артмöдчöмсö поэö вежны Сёрнитчысьясөн öти кывйö воём бöрын. Тайö Артмöдчöм дорö став вежсьöмсö оформитöны гижöмөн да сійö лоö торйöдны поэтöм юкөнөн.

Дасьтöма 2021 вося \_\_\_\_\_ тöлысь «\_\_» лунö \_\_\_\_\_-ын куим экземплярын, быдөн роч, тотар да коми кывьяс вылын, кутшöмьяслөн выныс öткодь, быд Сёрнитчысьлы öти экземплярөн.

Сэк, кор тайö Артмöдчöмлөн роч, тотар да коми кывьяс вылын текстьясын эмöсь гөгөрвотöмлуньяс либö вежöртас боксянь кутшöмкö лöсвятöмторьяс, Сёрнитчысьяс подуласьöны роч кывья текст вылö.

**Татарстан Республикаса**  
**Веськöдлан котыр вöсна**

Татарстан Республикаса  
Президент

\_\_\_\_\_ **Р.Н. Минниханов**

**Коми Республикаса**  
**Веськöдлан котыр вöсна**

Коми Республикаса  
Юралысь

\_\_\_\_\_ **В.В. Уйба**